

**Պ Ա Յ Մ Ա Ն Ա Գ Ի Ր**

**ՀՀ ԿԳՄՄՆ «ԸՆՏԱՆԻՔ» ՄՊՄԿ ՊՈՍԿ-Ի ԵՎ ՍՈՎՈՐՈՂԻ ՕՐԻՆԱԿԱՆ ՆԵՐԿԱՅԱՅՈՒՅՉԻ ՄԻՋԵՎ ԿՆՔՎՈՂ ԱՆՎՃԱՐ ԱՐՏԱԴՊՐՈՑԱԿԱՆ ԿՐԹՈՒԹՅԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՅՄԱՆ**

Շիրակի մարզ, ք. Գյումրի

„\_\_\_\_\_“ \_\_\_\_\_ 2025թ.

ՀՀ ԿԳՄՄՆ Գյումրու «Ընտանիք» մանկապատանեկան ստեղծագործական կենտրոն պետական ոչ առևտրային կազմակերպությունը ի դեմս տնօրեն՝

Ա. Մինասյանի, որը գործում է կազմակերպության կանոնադրության հիման վրա մի կողմից, և Սովորող \_\_\_\_\_,

/այսուհետ Սովորող/

/այսուհետ Սովորողի Օրինական ներկայացուցիչ/

մյուս կողմից, կնքեցին սույն պայմանագիրը հետևյալի մասին.

**1. ՊԱՅՄԱՆԱԳՐԻ ՆՊԱՏԱԿԸ ԵՎ ԱՌԱՐԿԱՆ**

1.1 6-18 տարեկան սովորողների արտադպրոցական կրթության անվճար ուսուցում:

1.2 Արտադպրոցական կրթության ծրագրերի իրականացում՝ հանգստի և ժամանցի կազմակերպման միջոցով սաների հոգևոր, ստեղծագործական ունակությունների զարգացում, մասնագիտական կողմնորոշման համար նպաստավոր պայմանների ստեղծում, գեղագիտական, բնապահպանական, ֆիզիկական դաստիարակության ապահովում, համակողմանիորեն և ներդաշնակ զարգացած, հայրենասիրության, պետականության և մարդասիրության ոգով դաստիարակված անձի ձևավորում՝ հաշվի առնելով սովորողների պահանջույթները, հետաքրքրությունները, հակումներն ու ընդունակությունները:

**2. ՈՒՍՈՒՄՆԱԿԱՆ ԳՈՐԾԸՆԹԱՅԻ ԿԱԶՄԱԿԵՐՊՈՒՄԸ**

2.1 Հաստատությունում ուսումնական գործընթացը կազմակերպվում է տնօրինության կողմից հաստատված ուսումնական ծրագրերի, թեմատիկ, դաստիարակչական աշխատանքների պլաններին և կանոնադրությանը համապատասխան:

2.2 Սովորողի ընդունելությունը Կենտրոնում իրականացվում է.

2.2.1 տնօրենի հրամանով՝ Սովորողի կամ նրա Օրինական ներկայացուցիչի դիմումի և Օրինական ներկայացուցչի հետ կնքված սույն Պայմանագրի հիման վրա,

2.2.2 սովորողը կամ նրա Օրինական ներկայացուցիչը սահմանված կարգով հաստատություն է ներկայացնում համապատասխան փաստաթղթեր,

2.2.3 սովորողին խմբից խումբ տեղափոխելը կամ մեկից ավելի խմբակ հաճախելը կատարվում է սովորողի կամ Օրինական ներկայացուցչի դիմումի հիման վրա,

2.3 Սովորողի անհարգելի բացակայությունների համար պատասխանատու է նրա Օրինական ներկայացուցիչը:

2.4 Ուսումնական տարվա ավարտին տարեկան թեմատիկ պլանին համապատասխան կազմված հարցաշարի միջոցով կատարվում է սաների տեսական գիտելիքների զուգակցմամբ կատարած գործնական աշխատանքների ստուգում:

**3. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ**

3.1 Կողմերի իրավունքներն ու պարտականությունները սահմանվում են Հայաստանի Հանրապետության Սահմանադրությամբ, օրենսդրությամբ, կենտրոնի Կանոնադրությամբ ու սույն Պայմանագրով, Սովորողի և Սովորողի Օրինական ներկայացուցչի ներքին կարգապահական կանոններով:

3.2 Կենտրոնը իրավունք ունի.

3.2.1 ուսումնական ծրագրում, որպես անբաժանելի մաս, ներառել նաև սովորողի առողջության պահպանման միջոցառումներ,

3.2.2 սովորողի ուսուցումը, դաստիարակությունը ու հանգիստը կազմակերպել ուսումնաարտադրական գործընթացներում, մարզաառողջարարական ճամբարներում, հանրապետական, մարզային և քաղաքային միջոցառումներում,

3.2.3 սովորողի Օրինական ներկայացուցչին ընդգրկել կենտրոնի կազմակերպվող միջոցառումներին:

- 3.3 Սովորողի Օրինական ներկայացուցիչը իրավունք ունի՝
  - 3.3.1 պաշտպանելու իր և իր երեխայի շահերը համապատասխան մարմիններում,
  - 3.3.2 մասնակցելու ուսումնական ծրագրերի արդյունավետության գնահատման գործընթացին,
  - 3.3.3 մասնակցելու կենտրոնի կրթադաստիարակչական գործընթացին,
  - 3.3.4 մասնակցելու ուսումնական հաստատության ներքին գնահատմանը,
  - 3.3.5 Հայաստանի Հանրապետության օրենսդրությամբ և այլ իրավական ակտերով սահմանված այլ իրավունքներ:

- 3.4 Սովորողը իրավունք ունի՝
  - 3.4.1 հաճախել մեկից ավելի խմբակ,
  - 3.4.2 խմբից խումբ տեղափոխվել,
  - 3.4.3 ուսումնական ծրագրի վատ յուրացման կամ ցանկության դեպքում կրկնել ուսումնական ծրագիրը:

- 3.5 Կենտրոնը պարտավոր է՝
  - 3.5.1 մինչև Պայմանագրի կնքելը Սովորողի Օրինական ներկայացուցչին ծանոթացնել կենտրոնի կանոնադրությանը, իրականացվող ուսումնական ծրագրին, Սովորողի և Սովորողի Օրինական ներկայացուցչի ներքին կարգապահական կանոններին, կրթադաստիարակչական այլ պայմաններին,
  - 3.5.2 հաստատությունում կրթական գործընթացը կազմակերպել ուսումնական ծրագրերի և արտադպրոցական կրթության պահանջներին համապատասխան:

- 3.6 Սովորողի Օրինական ներկայացուցիչը պարտավոր է՝
  - 3.6.1 դաստիարակել հարգանք ուսումնական հաստատության և մանկավարժների նկատմամբ,
  - 3.6.2 անհրաժեշտություն առաջանալու դեպքում ներկայանալ կենտրոն,
  - 3.6.3 սահմանված ժամկետներում երեխային բերել ուսումնական հաստատություն,
  - 3.6.4 հաստուցել իր, ինչպես նաև իր երեխայի կողմից ուսումնական հաստատությանը հասցված վնասը,
  - 3.6.5 սովորողին զերծ պահել ծխախոտ, ոգելից խմիչքներ, հոգեմետ նյութեր, զենք, զինամթերք, թունավոր, պայթուցիկ ինչպես նաև օրենքով և ուսումնական հաստատության կանոնադրությամբ արգելված այլ նյութեր օգտագործելուց:

**4. Պայմանագիրը լուծվում կամ գործողությունը դադարում է, եթե՝**

- 4.1 Սովորողը հաճախակի անհարգելի բացակայել է:
- 4.2 Սովորողը դարձել է 18 տարեկան:
- 4.3 Կողմերից մեկը, այդ մասին տասն օր առաջ տեղյակ է պահում մյուս կողմին:

«Ընտանիք» ՍՊՍԿ ՊՈԱԿ  
 Տնօրեն՝ Ա. Մինասյան \_\_\_\_\_  
 /ստորագրություն/

Սովորողի Օրինական ներկայացուցիչ՝ \_\_\_\_\_  
 /ստորագրություն/ ազգանուն, անուն/

Պայմանագրի լուծարման պատճառը՝ \_\_\_\_\_  
 \_\_\_\_\_  
 \_\_\_\_\_: